

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

«----» հոկտեմբերի 2021թ.

N ---- Ա

ՈՐՈՇՈՒՄ

ՌՈԲԵՐՏ ՎԱՂԱՐՇԱԿԻ ԷԼԻԲԵԿՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ

Ղեկավարվելով «Երևան քաղաքում տեղական ինքնակառավարման մասին» օրենքի 12-րդ հոդվածի 1-ին մասի 35-րդ կետի դրույթներով և հիմք ընդունելով Երևանի քաղաքապետի առաջարկությունը՝

Երևան քաղաքի ավագանին որոշում է.

1. Երևան քաղաքի 2803-րդ տարեդարձի և ծննդյան 80-ամյակի առթիվ, հայկական կերպարվեստի զարգացման գործում ներդրած նշանակալի ավանդի, արվեստի բնագավառում ունեցած հաջողությունների և ստեղծագործական նվաճումների համար գեղանկարիչ, ՀՀ ժողովրդական նկարիչ Ռոբերտ Վաղարշակի Էլիբեկյանին շնորհել «Երևանի պատվավոր քաղաքացի» կոչում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ

«ՌՈՒԲԵՐՏ ՎԱՂԱՐՇԱԿԻ ԷԼԻԲԵԿՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ» ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Ռոբերտ Վաղարշակի Էլիբեկյանը ծնվել է 1941թ. ապրիլի 21-ին, Թբիլիսիում:
1960թ. տեղափոխվել է Երևան:

1960-1965թթ. սովորել է Երևանի գեղարվեստաթատերական ինստիտուտում:

1966թ. Հայաստանի ճարտարապետների տանը բացվել է «Ռոբերտ Էլիբեկյան և
Սեյրան Խաթլամաջյան» առաջին անհատական ցուցահանդեսը:

1970թ.-ից Հայաստանի նկարիչների միության անդամ է: 1973թ. Հայաստանի
նկարիչների 10-րդ համագումարում ընտրվել է Հայաստանի նկարիչների միության
վարչության անդամ:

2014 թվականին լույս է տեսել Ռոբերտ Էլիբեկյանի գիրք-ալբոմը, որը
ներկայացնում է նկարչի ստեղծագործական կենսագրությունը:

1977թ. արժանացել է ՀԽՍՀ վաստակավոր նկարչի, 2008թ.՝ ՀՀ ժողովրդական
նկարչի կոչումներին, Սուրբ Մեսրոպ Մաշտոցի և Պատվո շքանշանակիր է:

Ելնելով վերոգրյալից և հաշվի առնելով գեղանկարիչ, ՀՀ ժողովրդական նկարիչ
Ռոբերտ Էլիբեկյանի նշանակալի ավանդը հայ կերպարվեստի զարգացման գործում,
ինչպես նաև արվեստի բնագավառում ունեցած հաջողությունները և ստեղծագործական
նվաճումները՝ առաջարկվում է Ռոբերտ Վաղարշակի Էլիբեկյանին շնորհել «Երևանի
պատվավոր քաղաքացի» կոչում և Երևան քաղաքի ավագանու քննարկմանն է
ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ

ՏԵՂԵԿԱՆՔ

**«ՌՈՒՔԵՐՏ ՎԱՂԱՐՇԱԿԻ ԷԼԻԲԵԿՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ»
ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԱՌՆՉՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ԿԱՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ռոքերտ Վաղարշակի Էլիբեկյանին «Երևանի պատվավոր քաղաքացի» կոչում շնորհելու մասին» Երևանի ավագանու որոշման նախագծի ընդունման առնչությամբ այլ իրավական ակտերում լրացումներ և/կամ փոփոխություններ կատարելու անհրաժեշտություն չի առաջանում:

ՏԵՂԵԿԱՆՔ

**«ՌՈՒՔԵՐՏ ՎԱՂԱՐՇԱԿԻ ԷԼԻԲԵԿՅԱՆԻՆ «ԵՐԵՎԱՆԻ ՊԱՏՎԱՎՈՐ ՔԱՂԱՔԱՑԻ»
ԿՈՉՈՒՄ ՇՆՈՐՀԵԼՈՒ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ
ԱՌՆՉՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ԿԱՄ
ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Ռոքերտ Վաղարշակի Էլիբեկյանին «Երևանի պատվավոր քաղաքացի» կոչում շնորհելու մասին» Երևանի ավագանու որոշման նախագծի ընդունման առնչությամբ Երևանի բյուջեում լրացումներ և/կամ փոփոխություններ կատարելու անհրաժեշտություն չի առաջանում:

ԵՐԵՎԱՆԻ ՔԱՂԱՔԱՊԵՏ

Հ. ՄԱՐՈՒԹՅԱՆ